

Opuscula

Epistula

VIVAT

ÆTERNUM

PRO VIRTUTIBVS, SAPIENTIA & MERITIS
ADMODUM REVERENDO Olim *PATRI*

DON. BENIGNO
BUCHOWSKI,

Ordinis Sancti BENEDICTI

Regalis Archi-Cœnobij Tynecensis PROFESSO, &

CANCELLARIO.

In Alma Vniversitate Cracoviensi AA. LL. & Philosophiæ

BACCALAVREO,

Olim in præfato Archi-Cœnobio Sacræ Th: LECTORI,

POETÆ LAUREATO,

Operum Musicalium Compositori,

Multarum Lingvarum peritissimo

à Petra Tynecensi

REPERCVSSVM.

Et in perennem tanti Viri etiam post funera magni memoriam

A

Don. CASIMIRO FORTVNATO ALBRYCHOWICZ,

Benedictino Tynecensi, ejusdemq; Archi-Cœnobij

Bibliothecario & Archivario,

in Sepulchrali lapide

lugubri calamô

IMPRESSVM.

Annô Domini MDCCXLII. Diē 16 Mensis Ibris

CRACOVIAE, Typis Michaëlis Dyzewski, S. R. M. Typographi,

I.

Non vita hæc dicenda est, quæ corpore & spiritu continetur: Illa inquam, illa vita est, quæ vigebit memoria seculorum omnium quàm posteritas alet, quàm ipsa æternitas semper intuebitur.

Cicero Idem pro M. Marcell: num. 29.

II.

Videtur quidquid Literis mandatur, id commendari omnium eruditorum lectione decere.

Cic: 2da. Tusc.

REVERENDISSIMIS DOMINIS
Sacro-Sanctæ THEOLOGICÆ
 DOCTORIBUS,
 Eiusdemq; LICENTIATIS
 Nec non Cathedrarum *Modētoribus*
Sacræ SCRIPTURÆ INTERPRETIBUS
 CANONISTIS
 Et Eruditissimis PHILOSOPHIÆ
 PROFESSORIBVS
 SACRI ORDINIS BENEDICTINORVM
Per REGNUM POLONIÆ
 DON: CASIMIRVS FORTVNATVS
 ALBRYCHOWICZ,
 Benedictinus Tynecensis utrāq; Fortunam.

MVLtū REVERENDI olim DOMNI
 PETRI BENIGNI BVCHOWSKI, BE-
 NEDICTINI Tynecensis, & Cancellarij
 Viri Eruditissimi Elogia jure optimo *Vestros*
contendunt in sinus. Vos enim lustris præ-
 sentibus illi Orbi BENEDICTINO affulsistis DOCTO-
 RVM Soles quorum ingenia sunt splendida Scientiarum
Musæa, Corda Serenissima Virtutum Solia, Cælum tangi-
tis Apicibus, conceditis in astra Capitibus, omnia Vobis Su-
blimia & cum sitis Religiosi Cor tantum & animus non ele-
vatus & præter demissionem jam nihil humile. Ideo Vir ille
 Scientiarum qui superstes adhuc inter literarum pulveres de-
 lituit, quibus usq; ad senectam & senium insudavit, ubi Cedro
 perenniora egit, cedrorum in se translata immortalitatem sen-

tiens ut vivat æternum Vestro tandem aggregari voluit
confortio, qui fatorum vices & Communes mortalium sortes
ignoratis. Et jam in animo meo est, quod hic CLEAN-
THEVS PROFESSOR, qui nuper ab invidis fatis extin-
ctus est & vitæ clausit periodum, apertum apud Vos Glo-
rie habebit, qui etiam de singulis Artibus cum singulis Arti-
ficibus Philosophari novit, nec tenere abnuvit cum Orpheo ple-
ctrum, cum Æsculapio baculum, cum Archimede radium, cum
Euphrate horoscopium, cum Perdice Circinum, cum Vitruvio
perpendicularum; investigareq; non desistit, cum Tablete tempora,
cum Atlante Sidera, cum Zeto pondera, cum Chrysippo nu-
meros, cum Euclide mensuras altum Scientiarum profundo sem-
per scrutans Capite, ibi fundum tangebatur, ubi Abyssus videbatur.
Placeat proinde Vobis DOMINI DOCTORES &
PROFESSORES, Polono BENEDICTINI, hoc grati-
tudinis Symbolum, quod tanti Viri virtutes & ingenium in gra-
tiam posterorum circumfert ameno animo, quo ipsas Camæ-
nas soletis intueri inspicere & favore complecti. Parcite ta-
men modico Fortunato, quod Vestræ intranscursu quasiq; de
via & aliud agendos litavi dignitati, qui tandem majoris Mi-
nerve muneribus, quasi signo expressiore æternum Vobis cul-
tum obsequiumq; testabor; ubi ad eam quam de me ipso apud
Doctissimos Viros opinionem concitavi non modo confirman-
dam verum etiam augendam quid præstabilius queram, quo
Vos & meum D. COLVMBANVM CIESZKO-
WSKI, Professum Calvo-Montanum Sacræ Theologiæ
Licentiatum, nuper Priorem Sancta-Crucium nunc Præ-
positum Coniemiolensem quondam PROFESSOREM
meum Philosophiæ Gratiostimū venerari contendam, Interim
ut in Annos fortunati & incolumes Valeatis, utq; quam simili-
mos Vestris in Areopagis, huic Clarissimo DOCTORI
PROFESSORES habeatis, propensissimo semper ex animo
Fortunatus comprecabor.

D A B A M T Y N E C I J S.

VIVAT
ÆTERNVM

Pro Virtutibus, Sapientia & meritis
ILLUSTRI nuper extincto VIRO,

BENIGNO
BUCHOWSKI,

BENEDICTINO Tynecensi,

Utique

nòn insecundum duxit Fortunatus
altò gementis animi planctu ingeminare!

Quinimò

Decenti jam in elogium stetit
nòn pro una hora Horatius,
sed pro tota æternitate plenus Plinius
ore pleno ejus exosculans Panegyres.
& ne obscuro tumuli extingveretur in angulo
splendidus quondam Ecclesiæ Angelus

Carmina hæc luci publicæ dedit.

Hic etenim

Mundo mortuus, Orbi BENEDICTINO natus,

Factis virtutem, veluti facibûs illustravit

rem nòn magnificante Parrhasio

taliter vixit ut etiam demortuus

VIVAT ÆTERNVM.

INGENIOSUS PARNASSIDES

Tynecensi insertus Aræ,

In Alma ac Celeberrima Vniversitate Cracoviensi,

Scientiarum Matre Laureatus,

FLORIDVS JUVENALIS

B

Magne

Magnæ spei Filium
Religiosa redolebat in Corona,
PETRVM se PETRÆ Tynecensi dedit,
quem ut facilem usibus cunctis haberet Tynecia
Voluit esse Benignum.

Indoles & virtus à Charissimis derivata Parentibus
S. R. J. C O M I T I B V S
Nòn minorem suis Majoribus Sobolem
Religiosis dignum fidus judicabant astris.

Ita nempe
Virtutes perplurimæ uni Capiti dari,
quod Angelicis mentibus negatum,
Sapientia unius sollicitante multos
Merita etiam unum promereri deposcebant Virum
Et factum est ita !

Auspicatissimis votum successit Primitijs,
ex hoc operis formidandi profundò
altitudo divitiarum Sapientiæ & Scientiæ DEI
studiò Theologico illi quærenda erat;
ut quod operabatur Sacerdos

quântum homini permissum est intelligere posset & docere alios

T H E O L O G V S.

Et jam Sacræ Theologiæ L E C T O R renuntiatus,
audiebatur de rostris Scholaisticis ut oraculum.,
dumq; apertam Bibliothecam,

quam in Capite clausit, in ore ferebat,
Lingvam stoæ, Peripathi totiusq; Senatûs Sapientum merebatur.
Et ubi Virtus & eruditio laudabatur,

Illius erat Elogium.

Ita erudivit alios, ut nunquam à Studio amoris ejus cessarent
Devincens animos & pectora,
Nulli nòn affabilis extitit.

Quas insignes animi Ejus dotes coronando
VENERANDISSIMUM Tynecense Asceterium,
Eundem PRÆPOSITVRÆ Conventuali Kościelnenſi
Oneri & muneri parem suffecit.

PRÆ-

PRÆSIDENTE PERILLUSTRI
REVERENDISSIMO DOMINO

**D. DOMINICO
LOCHMAN,**

CANONICO CATHEDRALI CRACOVIENSI
COMMISSARIO APOSTOLICO.

Cujus Animum adeò in sui traxit benevolentiam,
Vt Eundem Primis Regni Principibus deprædicans,
in cordibus Eorum triumphare fecerit.

Hoc in honore omnes sinu Paterno complexus est;

Quæ dilatatio charitatis;

etiam Nominis Ejus celebritatem ampliavit.

Inclaruit, Literis Illius, devotionis Syllabus

ERGA VIRGINEM PRVDENTISSIMAM

Cui in Imagine Tuchovienſi Thaumaturgæ

ORTVM MIRACVLOSVM inſcripſit.

Demonſtrant vim ingenij Ejus ſublimem.

Opera Ejus erudita & ingenioſa

Ex penetralibus omnium ſcientiarum petita,

Philosophia, Mathesi Theologia

& utroq; Jure

mirô ingenio

in gratiam doctarum mentium edita,

ex quibus Doctrinæ ſuæ ſtuporem;

apud Principes Viros ſui æſtimationem,

Feliciffimè eſt conſecutus.

Illius perſucunda Epigrammatum & Rythmorum Poëmata,
deterſa Typi ſæpia.

ac ſtudio Typothetarum impreſſa,

Ad ſpiritum Religionis accendendum.

Viſq; ad internam cordis effuſionem

Singulari cum proſectu & animi delectatione, leguntur.

In

In Scientia Musices,
totò animò imitatus Orpheum.
Quem (si Harmoniam Cælestem cum Pythagora admittim⁹)

Cælis pridem debebamus.

Q V I D E M V M

Nil ignorabat,

Cunctas scientias perpolivit,
Lex Docentium, Luxq; Doctrinarum Omnium,

Vtilis omnibus & singulis

Ex suis Scriptis voluminibus quæ lucent Orbi

Lucemq; edunt dum in lucem edita spectātur.

Cui etiam pro lingvarum multarum peritia,
Debita Grammata dare, lingua unius non sufficit

Quare

O Togatorum decus, o Buchovi;

Quis Tuas uno poterit quadrante

Scire laudes, quas nequit Archimedis

Circulus ullus.

Tibi ergo Elogium,

Et has animi mei propensi inscribo Syngraphas;

Vti Viro Scientiarum,

Phænici ætatis hujus

ARCHI-COENOBII TYNECENSIS DECORI;

In Doctrinæ Tuæ testimonium;

Et pro tessera Studij mei,

Qui nuper ab invidis fatis ereptus,


In Montes æternos ascendens

pro virtutibus Sapientia & meritis,

Æ T E R N V M

V I V A S.

ts
e.
M
o-
m
o
es
er
ne
a-
ut
o
e-
y-
ti-
e-
.
.
.
.



22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

